



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacri sacerdotij defensio co[n]tra Lutheru[m]

Fisher, John

Coloniæ, 1525

VD16 F 1240

XXXIX Hos omnes constat ante Sothere[m] & Anicetu[m] urbis Romanae
fuisse ep[iscop]os, & haec de sacerdotibus quae ia[m] recensuim[us]
aperte tradidisse.

urn:nbn:de:hbz:466:1-30878

sacerdotes insequi, sacrilegij reus existit, & sacrilegus iudicatur. Sed quid multis opus est.

¶ Hos omnes constat ante Sotherē & Anicetū urbis Romanæ fuisse epōs, & hæc de sacerdotibus quæ iā recensuimus aperte tradidisse. Quare quū Egesippi pariter & Irenæi testimonijs, ut ostendimus, patet ecclesiā ad Sotheris & Aniceti tempora permanisse uirginē incorruptā & inuiolatā, non quod unquā uiolari possit, sed quod nondū quisquē in eā irrepperit hæresis archa, qui publice conatus fuisset eā contaminare, manifestū est identidē & ministerium ipsum, quod sacerdotū proprium est, non tū fuisse plæbi cōmune. Id quod iustissima ratione diuinitus ordinatū est. Plæbs enim formā gregis tenet, cui regendo, sacerdotes uelut pastores præficiuntur. Propter quod & Iohā. 21. Christus Petro iam tertio dixit. Pasce oues meas. Et profecto quēadmodū, oues ubi pastores abfuerint, pluribus malis afficiuntur. Quædā enim aberrant & dispergunt a reliquo grege, quidam in morbos incidunt, quibus nisi medela protinus adhibeatur, euadunt incurabiles. Aliæ a lupis atque cæteris id genus crudelibus færis deuorant. Nonnullæ quæ nō statis ad aquas & pascua ducantur remporibus, siti fameque sæpius intermoriuntur. Sic nimirū & populus (nisi maxima sollicitudine pastores euigilent) quidā in morbos animi dilabunt, & in omne scelus ruunt, quidam per hæreticos & scismaticos deperiunt & laniantur misere. Multi fame siti que pereunt ob diuini uerbi penuriā. Innumeri denique per inuiciā discurrunt, & a recto tramite longius diuagant, ut quēadmodū in prouerbijs Solomon ait. Vbi nō est gubernator, dissipabitur populus. Ista, nisi cotidie fieri nostris oculis conspiciamus, auderet forte quisquē impudenter ea penitus inficiari. At cōpertissimū habemus, ubi sacerdotes gregē sibi cōmissum pascunt uerbo, pariter & exēplo, populus a multis erroribus cohibetur. Et contra, quū sacerdotes officia sua negligentius agunt, populus in malorū omniū baratriū, preceps corruit. Ea propter haud dubie Christus, quū populum admodū haberet gregē, duodecim aplos instituit, quibus & septuaginta discipulos adiecit utrisque mandans, ut docerent plæbē, Petro tamen (quē suo gregi primariū reliquit pastore)

XXXIX.

Iohā. 21.

Prouer. 11.

Sacerdotū negligentia plurimū obest.

Matt. x.

Iohā. 21.

CONGRESSVS TERTIVS

id officij peculiarius iniunxit, nimirū, ut si se amaret, gregem suū studiose pasceret. Præter hæc, & apostolis siue per Christum, seu per Christi spiritū facta est potestas, ut illi pro suo iudicio presbyteros consecrarent, consecratosq; præficerent ecclesiis. Neq; defuit sponsio futuræ gratiæ, quoties illi cuipiā ad hunc finē, suas essent imposituri manus.

XL

Epilogus ¶ Iam (opinor) intelligis lector, & neutiq; obscure, totā Lutheri iactantiam, quā aduersus sacrum sacerdotium euomuit, prorsus in nihilū euanuisse. Vbi nunc est quod tam arroganter affirmarat nullū esse uisibile sacerdotiū, nisi quod humanis mendacijs esset per Satanam erectū? Iam enim abunde constitit sacerdotiū aliquod esse quod non cunctis christianis cōmune sit, idemq; diuinitus fuisse institutum. Et sane si de uocabulo sacerdotij nusq; extaret sermo, tamē q; de re sacerdotij, hoc est de presbyteratu in scripturis tā copiose traditū sit, nimisq; stolidū fuerit ipsum incessere uelle. Cæterū q; tam res q; nomenclatura sacerdotij palam ex ipsis scripturis asseratur, tantusq; huic negotio priscorum numerus unanimiter astipuletur nec sit quisq;, aut ex recensitoribus, aut ex ueteribus illis orthodoxis qui dissideat, sed nec ulla queat adduci aut ratio aut scriptura qua possit inferri contrariū, quid insanius aut impudentius cogitari poterit q; huic tam clarissimæ ueritari tenebras ullas iniicere conari? Quoniam igitur hætenus firmatū est sacerdotium, quo stabilito non possunt non cōsequi cætera que de sacrificio missæ tradita sunt a patribus, nihil opus fuerit hic reliqua conuellere, quæ Lutherus contra missæ sacrificium non minus stolidē q; impie deblaterauit. Nam alibi fusiū ea res a nobis tractatur, nimis in apologia qua Lutheri cauillos in libellum illustrissimi pariter & doctissimi regis explosim⁹. Quamobrem & huius disceptationis hic iam finis esto.

Solus JESU Paderb.

Coloniæ in officina honesti ciuis Petri Quentel

Anno M. D. XXV.